

Pusat pemindahan banjir di Baling ditutup

BALING - Kesemua pusat pemindahan mangsa banjir di daerah Baling yang dibuka sejak Rabu lalu, ditutup pada jam 5 petang semalam.

Pegawai Jabatan Kebajikan Masyarakat (JKM) Baling, Syamsul Izrin Isahak berkata, kesemua mangsa banjir di 15 pusat pemindahan banjir sudah pulang ke rumah masing-masing.

Antara pusat pemindahan terbabit termasuk di Dewan Orang Ramai Batu 48, Dewan Orang

Ramai Banggol Derom, Dewan Orang Ramai Kampung Chenerai Siong, Dewan Orang Ramai Charok Sikin serta Dewan Orang Ramai Surau Kampung Jenalik.

"Faktor cuaca yang semakin baik serta air Sungai Ketil semakin stabil menyebabkan pusat pemindahan ditutup. Bagaimanapun, agensi dan semua jawatankuasa bersiap sedia jika berlaku gelombang kedua," katanya.